



DEO OPTIMO MAX:

UNI ET TRINO,

VIRGINI DEIPARÆ, ET S. LUÇÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS;
*manè discutienda, in Scholis Medicorum, die Martis, quinto
mensis Februarii, Anno Domini M. DCC. XLIII.*

M. ANTONIO BERGIER,
Doctore Medico, Præside.

An Respiratio sit motus Sympathico-mechanicus?

I.



ORPORIS humani machinæ fabricam & motus quis non mire-
tur? Hæc stupendos vi suâ motrice producit effectus. Liquoribus
etiam ad insignem altitudinem contra proprium pondus attollendis
est idonea, Aerem in intimos pectoris recessus accipit, acceptum-
que non sine usu mirifico reddit. Naturam motu perpetuo delecta-
ti credideris. Hic concoquit, illic assimilât; hic secernit, illic ex-
pellit. Inter tot tamque varios, quibus corpus agitur, motus, præ cæteris emi-
A

net motus contractionis & dilatationis alternus; ejus nulla machinæ pars expressa est, quandiu vivimus. Hunc ad omnes œconomix animalis functiones peragendas Naturæ Auctor instituit. Huicce motui accepta referri debent Chyli elaboratio, à facibus separatio, & in vasa lactea propulsio; ejusdem motus ope Chylus Mesenterii glandulas prætergreditur, ac per ductum Thoracicum ascendit, ut in cor deferatur quod subsultibus alternis sibi semper constantibus micat indefessum. Ad hujus motus, veluti Regis imperium, succi quilibet & humores locum sibi destinatum dociles occupant. Ut fluida canalibus quos irrigant, sic canales fluidis motum impertiunt. Solida inter & liquida totius corporis viger perpetua hæc actionis reciprocatio. Hic motus ad vitam sustentandam ita necessarius est, ut partes solidæ, si in iis vel distensione violentâ, vel relaxatione nimia desinat, statim inertes fiant, certamque ad mortem damnentur. Motus hic in reliquis partibus parvum obsecrumque aliquod sui specimen exhibet; in thorace verò constanti & conspicuâ vicissitudine planè manifestum sese prodit. Respiratio functio vitalis merito nuncupata est. Vita sanguinis motu continetur; hic à Respiratione semel inceptâ maximè pendet. Is est ad vitæ tutelam aeris usus, ut cæterorum alimentorum minor sit quàm illius necessitas. Ad tempus cibo potuque fortè carere poteris; aere nulum animal diu caret impunè: tandiù enim vivimus, quandiù spiramus. Hic motus thoracis alternus sympathiæ & mechanicæ debetur. Quod prorsùs idem est ac si hunc soli mechanicæ acceptum referri dixeris. Ad sympathiæ vocem horrescent fortasse multi, frontemque contrahent. Equis, exclamabunt, patienter ferat scientiam cum ignorantia, cum errore veritatem, certum cum incerto, cum tenebris lucem temerè conjungi? Mechanicæ scientia est certis & immotis innixa legibus. Sympathia autem quid est? Verbum sensu vacuum, ignorantix partus, vox ab iis tantum recepta, qui in sanæ Physicæ principiis hebetes & plumbei, occultas advocant qualitates, non tam ut naturæ arcana explicant, quàm ut imperitiâ obtegant suam. Non ita se res habet. Sympathia probè intellecta, ratione verè mechanicâ explicatur.

II.

SYMPATHIA, Græcis *συμπάθεια*, ex duobus vocabulis componitur, *συ* cum, & *πάθος* vel *πάθος*, affectus, passio, *παῖχος* idem sonat ac patior vel afficior; *συμπάθειν* significat, pati, affici cum aliquo. Pars corporis aliqua alteri dicitur sympathica, ubi, alterâ motâ & affectâ, ipsa quoque movetur & afficitur. Frequens est in corpore humano hic partium consensus, multoque latius patet, quàm vulgò creditur. Membranz pituitariæ illata irritatio vel levissima sternutationem excitat. Ad sternutationem quàm multarum partium motus requiritur! Hic motus exemplum est sympathiæ. Ex acriori stimulo in ventriculum impacto sequitur vomitus. Porro quot tum partes vel unâ læsâ in motum aguntur! Hic quoque illa, de quâ loquimur, agnoscitur sympathia. Hanc consensionem sympathicam inter præcipua respirationis instrumenta reperiri nemo inficias ierit. Ad respirationis munus obeundum quot quamque diversi generis partes sunt movendæ! Oculus ad visum, ut auris ad auditum, sibi sufficit; verum licet in pulmone fiat respiratio, operi tamen tam eximio ille impar est, nisi totum pectus abdomenque

3

ferant suppetias. Pulmo viscus est molle, rarum, innumeris præsertim constat vesiculis membraneis, orbicularibus, expansilibus, contractilibus, quæ ex membranofo trachæ arteriæ canali ducunt originem. A pari vago, simulque ab intercostali nervos illæ accipiunt. Has vesiculas quasi inviduæ focia concomitantur innumera vasorum sanguineorum ramificationes quorum illa sanguinem à corde accipiunt, hæc ad illud revehunt. Quantum per cæteras omnes corporis partes, tantum per unum pulmonem, imò plus sanguinis traducitur. Cuilibet oculato vel leviter ad respirationis motum attendenti facillè patent varia illius phenomena, ac nescio an nulla alia occurrant in oeconomicâ animali manifestiora. Quemnam latet illa motuum reciprocorum vicissitudo, in quibus sita est respiratio. In inspiratione utriusque lateris, costæ à sese invicem discedunt, extrorsum fursumque evehuntur. Imò unâ cum sterni arcuum instar antrorsum feruntur, in iis, maxime in quibus minus libera est respiratio, ut videre est in asthmaticis & in iis quorum diaphragma aut viscera abdominalis inflammatione tentantur. Nam thoracis partibus malè affectis, in inspirationis motu præcipuas partes agit diaphragma; diaphragmate verò aut abdominalibus visceribus inflammatis, majorem respirationis operam in se suscipit thorax. Multum sanè profuerit, ad certam quorundam morborum diagnosim, ad istius motus discrimen attendere. Diaphragma quod expirationis tempore, ut potè convexum, quamdam pectoris partem replebat, ad inspirationem, suarum fibrarum contractione complanatur. Eo motu imi ventris viscera deprimuntur; horum pressione musculi abdominales extrorsum pelluntur. Unde palam fit, costarum erectione & diaphragmatis complanatione, thoracem secundum longitudinem & latitudinem ampliari, figuramque adipisci sphaeroidi transversè secto similem, cujus apex est in jugulo, basim verò diaphragma constituit. In expiratione phenomena omnino adversa observantur. Costæ per latera deprimuntur, imò & antrorsum iniquate nus cum sterni descendunt. Abdomen complanatur; diaphragma è plano in fornicem erigitur intra pectoris cavitatem. Quanta secum commoda importet respiratio, quique experitur vel inscius. Eucrasia sanguinis conciliandæ confert, ipsius augeat fluxilitatem, circuitus facilitatem & celeritatem adjuvat. Atque adeò, (cùm à sanguine pendeat reliquarum omnium corporis partium salubritas,) totius machine recto habitui fovendo inservit respiratio. Ipsius beneficio odores, qui è corporibus effluunt & per aera manant, perferimus; & quod longè jucundius est, famulante respiratione, cæteris hominibus quamdam cogitationum nostrarum picturæ speciem exhibemus, cujus lingua est quasi penicillus, verba verò veluti colores.

III.

QUAM patent respirationis effectus & phenomena, tam latent eorum causas. Dices-ne concordem costarum & diaphragmatis motum, qui fit inspirationis tempore, à pulmone esse repetendum, qui dilatari nequit quin costæ attollantur, diaphragma verò deprimatur? At pulmōni nulla vis, nulla virtus ut sese expandat, nedum vicinarum sibi partium resistentiam vincere queat. Brevi constringitur, cùm reiectus aeri exponitur; cujusquidem rei vel ea fides est, quòd illico desinat, si intra costas adaperiatur animalis pectus. Pulmōnes è cadavere extracti,

quandiu aer intromittitur, instantur; sed si aerem intromittere desieris, statim contrahunt sese, aeremque in vesiculas immisum expellunt foras. Animalibus in Machinâ Boyleanâ mortuis pulmones depresso inuenies. Ergo pulmones vi suâ non dilatantur. In solum aerem pulmonis vesiculas subeuntem dilatationis causâ refundenda est. At aeri aditus omnis intercluditur, nisi partes circumambientes dimoveantur. In folle cernimus adumbratam pulmonum imaginem: si folliis alas diduxeris, aer intus ingreditur; folle postea sibi relicto, alæ ad sese invicem accedunt, acceptusque aer redditur. Aer externus non minus suprâ costas & imum ventrem, quàm circa os gravitat: ac proindè tracheam arteriam subire non potest, pulmonesque dilatare, nisi costæ in altum assurgant, & septum tranversum deprimatur. Costæ non possunt assurgere, & diaphragma deprimi, nisi hujusce sepimenti & musculorum intercostalium contractione. Hinc, ut motus thoracis alterni mechanismus explicetur, assignanda est causâ cur tam opportuna fiat hæc contractio; simulque necesse est ostendere unde contingat, ut musculorum destinata contractio, quidque causâ esse possit cur pectoris dilatationi tantâ æqualitate respondeat coarctatio. Huic porrò ciendo motui alterno inservit necessitudo sympathica, quâ cum pulmone muscoli intercostales atque diaphragma tam arctè confociantur, ut vel levissimâ impressione pulmone illatâ, afficiantur, ejusque dolori condolent. Undenam verò illorum musculorum oritur contractio? In causâ est sanguis, qui dum succi nervei refluxum è pulmonibus ad cerebrum opportunè provocat, musculorum thoracis dilatatorum contractionem arcessit. Ut autem ex Mechanicis legibus ea deducitur contractio, ita & ex hac contractione, secundum easdem leges, velut sponte suâ fluunt omnia respirationis phænomena. Liceat nobis nonnulla hic ponere principia, nemini eorum, qui scientiam hanc primis labris attigere, ignota. *Omnia corpora, sive solida, sive liquida, versus terræ centrum tendunt, quacumque sit gravitationis causâ. Omne corpus elasticum ultra suum statum naturalem compressum aut distensum, nititur suum statum recuperare, ipsumque recuperat, ubi causâ, quâ coquebatur, illud cogere desinit; nisi nimia causâ cogentis violentiâ, corporis tonus fractus fuerit. Corpora feruntur versus locum ubi minor est resistentia. Corpus elasticum, in aliud quod ipsi resistit impingens, reflectitur, reflexionisque angulum incidentiâ angulo æqualem, aut proxime æqualem efficit.*

IV.

HORUM principiorum & quidem simplicissimorum ope, respirationis mechanismus explicatur. Atque ut ab exordio rem repetamus, paucis juvat expendere quonam modo fiat respirationis initium in infanthulo. Ubi infans utero matris excluditur, novum, sibi insolitum, sinu materno frigidus subit elementum. Subita fit totius cutis vasorum constrictio; sanguis in interiora copiosius divertitur; quasi infarciuntur viscera. Adde quod, statim atque umbilicalis funiculi, injectâ ligaturâ, aut alio quocumque modo vasa constringuntur, non eadem, quâ antea, fertur facilitate sanguis per arterias iliacas. Majorem ergo in toto aortæ descendentis trajectu offendit resistentiam. Ante ligaturam sanguis è ventriculo dextro expulsus arteriam pulmonarem & aortam mediante canali arterioso eâ quan-

titate subibat, quæ resistencias inversè sequebatur. Augetur in aortâ resistencia; in arteriâ pulmonari non augetur: quædam igitur sanguinis portio quæ aortam antea subiisset, tunc in pulmones irrumpit. At collapsis vesiculis, vascula per eas, instar reticuli, disseminata, complicata sunt; motui sanguinis directo offertur impedimentum. Sanguis in vasorum parietes agit, eos distendit, fibrillas nerveas distrahit: hinc spirituum animalium versùs cerebrum refluxus, eorumque reflexio in nervos qui musculis inspiratoriis & diaphragmati prospicunt. At quomodo, inquires, intelligi possit hæc in musculos inspiratorios spirituum reflexio? En tibi hujus effectus ratio. Succus nerveus omnibus corporis motibus, sensuumque muneribus obeundis destinatus, per tenuissimâ cerebri cerebellique incernicula à sanguine separatur, & nervorum ope per totum corpus diffunditur. Impressio cuius corporis parti sensibili illata, nervorum commercio ad cerebrum usque fertur, & quamdam illius partem afficit: puta corpus callosum, ubi omnes sunt sensationes, quodque ideo à Physiologis sensorium commune dicitur. Porro ubi spiritus animales quos aliqua pars renittit simulatâ, ad succi nervi receptaculum pervenere, secundum lineam rectam moventur, donec in corpus solidum impingant, quâ veluti mole oppositâ coguntur aliò divertere. Scilicet liquidum nerveum in fibrâ nequit impingere, quin reflectatur secundum collisionum regulas, ita ut reflexionis angulus incidentiæ angulo æqualis aut propè æqualis sit. Nunc ergo tibi finge nervorum musculis inspiratoriis & septo transverso prospicientium originem reperiri in lineâ, secundum quam succus nerveus è pulmonibus repulsus reflectitur. Tunc hocce liquidum nerveum canaliculos sibi oblatos subit; inde musculorum intercostalium & diaphragmatis contractio. Musculis intercostalibus & diaphragmate contractis, attolluntur costæ, complanatur septum transversum, Pulmo à compressione externâ liber remanet. Aer Glottidem subit, ubi minor est resistencia; per trachealem fistulam in bronchia irrumpit, vesiculæ pulmonales expanduntur, arcus earum extenduntur: vasa sanguifera reticularem in modum per ipsas repentina sensim evolvuntur; ea sanguis sine impedimento prætergreditur, atque adeò desinit stimulus quo diaphragma musculique inspiratorii sympathicè contrahebantur. Sublatâ causâ tollitur effectus. Ergo musculi relaxentur necesse est. Costæ tum proprio pondere, tum cartilaginum & ligamentorum, quibus sterno & vertebriis annectuntur, elatere, deorsum deprimuntur; musculi abdominales qui in inspiratione extrorsum fuerant propulsi, sese restitunt, statim atque imi ventris viscera diaphragmate non premuntur. Intùs ergo repelluntur hæc viscera, vicissimque diaphragma in fornem erectum ad pectus repellitur. Eundem in finem conspirant mediastinum & pericardium. Complanatione diaphragmatis distenta fuerant, in sese redeunt, nempè contrahuntur, ubi causæ distendentis desinit actio. Contrahi non possunt, quin diaphragma fursum secum adducant. Minuitur pectoris tam latitudo, quam longitudo. Pulmo comprimitur, ea compressione & vi suâ elasticâ coarctantur vesiculæ pulmonales: aer è pulmone expellitur; nova fit vesicularum simulque vasorum sanguineorum, quibus illæ scatent, replicatio, quo velut obice impeditur liber sanguinis circuitus. Hinc stimulus, hinc spirituum repulsus & in musculos sympathicos reflexio; ac proinde altera inspiratio, cui mechanicè succedit expiratio. Sicque diaholes & systoles motus ordine perpetuo sese expiciunt alternatim.

AT dicet aliquis : Stimulus ille, à quo totum respirationis mechanismum repetis, nonne fictitius est? Nullo modo: imò verò non potest non admitti, si circulationis legum habeatur ratio; quod sufficienter adduximus. Tanti momenti argumento non parùm virium addit sensus intimus, quem quisque experitur. Inspirationem diutius cohibe; sensu, nescio quo, submolesto sollicitaris in pulmonum substantiâ, quo brevi ad inspirandum cogeris. Undè sensus ille, nisi à pressione sanguinis in vasorum parietes? Eidem sententiæ asstruendæ adspiciuntur frequentes aliquandò post somnum oscitationes. Tunc temporis parcius distribuuntur spiritus, flaccidiores sunt corporis partes, languidior est sanguinis circulatio, gravatur ac quodam modo obstruitur pulmo. Vasa sanguifera quæ sanguis ægrè permeat, validius stimulantur; hinc spiritus uberiori copiâ ad cerebrum refui, in inspiratorios musculos reflectuntur. Indè sequitur oscitatio quæ à magnâ inspiratione non differt. Novum postulas argumentum? In promptu est. Mæstitia, angore, tædio affectis, gradu lentiori progreditur sanguis, partes molliores aggravat; Indè suspicia quæ sensus quidam molestus, pulmone superveniens, exprimit. Hæc & alia respirationis phænomena ex eodem fonte facillè deducuntur. Sapienter admodum institutus videtur mirus ille pulmonem inter & musculos inspiratorios consensus. Sic aeri in pectus aditus recluditur; via per pulmonem libera aperitur sanguini, quo viscus illud posset opprimi ac suffocari. At, inquires, quid opus est, ut sympathiæ mechanismus explicetur, ad spirituum refluxum, reflexionemque confugere? Quantò brevior est illorum via, qui partibus sympathicis ramificationes nerveas ex eodem trunco prodeuntes tribuunt? Sed ut brevis, non sic vera est hæc sententia. Nervos inter & arterias multum est discriminis. Tenuia filamenta, quæ ramificationes in nervis dicuntur, exigui sunt canaliculi, qui quamvis eadem cum pluribus aliis membranâ fuerint involuti, suum tamen quisque succum à cerebro immediatè accipiunt: undè impressionem succo nerveo unius ex his illatam, non sentiunt vicini canaliculi; ut sit in vasis sanguiferis ab eodem trunco sobolescentibus. Præterea, si staret hoc systema, nulla daretur in sensationibus partium affectarum distinctio. Nam si pars aliqua quæ à pari vago, v. g. canaliculos nerveos accipit, quocumque modo afficeretur, quænam illa esset, nequaquam posset dignosci. Succus quippè nerveus ab illâ parte repulsus, non solus ad cerebrum remitteretur, sed totum, quod in trunco comprehenditur, liquidum movendo, illud secum in refluxus consortium raperet. Hinc perpetua impressionum confusio. Sed ex eo maximè falsi arguitur hæc opinio, quod sæpè fiat, ut irritatio parti inflicta, quæ proximas non afficit, ad partes vel remotissimas citò perveniat. Id probât in hysterics strangulatio. Adde quòd plures inter partes, quæ ab eodem trunco fibrillas nerveas non accipiunt, sympathia reperiatur. At urgebis: Nonne probabilius explicabitur sympathicus ille consensus, si nervos ab eodem cerebri puncto nascentes, partibus sympathicis distributos dixeris? Minimè gentium. Namque indè sequeretur sympathias in ratione reciproci futuras esse, adeò ut, si affectâ membranâ pituitariâ, diaphragmæ afficiatur; diaphragmate irritato affici debeat membrana pituitaria. Quin

7

etiam sequeretur duas partes cum tertiâ sympathicas, inter se pariter esse sympathico consensu donatas; quod utrumque à vero aberrat. Nostis stando principis, neutrum incommodum, neutra difficultas; omnia dilucidè deducuntur. Effectus causæ & causa effectui apprimè responderet. Equabilis est respirationis reciprocatio: causa constans est & immota. Imò jugi tenore effectus causa fit, & causa vicissim effectus; quod requirere videtur motûs vicissitudo perpetua. Ubi partium, quæ sanguinis stimulo in motum actæ, pectus ampliaverant, fit reactio, pulmonem illæ constringunt; novus oritur stimulus; nova sympathicè fit inspiratio, quam mechanicè excipit expiratio.

Ergo Respiratio est motus sympathico-mechanicus.

DOMINI DOCTORES DISPUTATURI.

M. Ludovicus-Alexander Vicillard, Pharmacia Professor designatus.

M. Ludovicus - Guillelmus le Monnier.

M. Josephus-Exuperius Bertin, supremi Valachia & Moldavia Principis Medicus Primarius.

M. Joannes-Ludovicus Baude de Lacloy, Rei Herbaria Professor designatus.

M. Carolus Dionis.

M. Gedcon de Rabours,

M. Franciscus Pouffe.

M. Thomas-Bernardus Bertrand.

M. Camillus Falconet, salubris Consilii Regii Socius & à Regiâ Numismatum Academia.

Proponebat Parisiis CLAUDIUS PERSON, Catalaunensis; Baccalaureus Medicus, A. R. S. H. 1743. à sextâ ad meridiem.